

Cuntinuar cun la politica reala

Partida burgais-democratica dal Grischun

DA GION NUTEGN STGIER / ANR

■ **La pbd grischuna pretenda da la regenza ina clera strategia tar la furmazion e tar la perscrutaziun. Cun curaschi, engaschi e conscienza vul la partida sa preschentar en l'avegnir. Decedi han ils delegads da dir trais giadas in «NA» als projects da la proxima votaziun federala ed ina giada in «GEA».** Per l'emprima radunanza da delegads da l'onn 2016 aveva la Partida burgais-democratica dal Grischun (pbd) envidà ses commembers a la clinica Waldhaus a Cuira. L'interess per l'occurranza è stà grond cun esser preschents var 60 delegads. Suentar la demissiun da cussegliera federala *Eveline Widmer-Schlumpf* cumenza ussa per la partida in nov chapitel, ha ditg *Andreas Felix*, il president da la pbd da noss chantun. En l'avegnir saja vinavant da far politica

reala, chattar bunas soluziuns, vegnir cun propostas concretas per ademplir las grondas sfidas e quai sin champ naziunal e chantunal. I dovra curaschi, engaschi e conscienza da tuts, dentant cun in cusseglier naziunal, cun esser represchentada en la regenza cun duas persunas e cun ina ferma fracziun saja avant maun ina buna basa ed acceptanza tar la pbd per er avair en l'avegnir success, ha menziunà *Andreas Felix*. Dal reminent ha la festa da cumià per *Eveline Widmer-Schlumpf* lieu ils 19 da matg 2016.

Unir las partidas dal center

Andreas Felix ha ditg en ses pled che la regenza grischuna duaia far ina strategia da furmazion e perscrutaziun pli clera e cumplessiva. En il program da la regenza 2017–2020 manca in strategia concreta, ha ditg il president da la pbd grischu-

na. Cun propostas concretas tar quel tema vul la pbd er empruvar dad unir las partidas dal center. «Per far frunt a las partidas als pols politics da dretg e da sanester saja quai er necessari», menziuna *Andreas Felix*. Senza speculaziuns davart estructuras e fusiuns da partidas possia la pbd vinavant prosperar.

Intginas discussiuns

Decis han ils delegads er las parolas per ils projects da la votaziun federala dals 28 da favrer 2016. L'iniziativa da la pps per il repatriament effectiv è vegnida preschentada da *Marco Tscholl*, il candidat per il cussegl da la citad da Cuira e per il cussegl da vischnanca da Cuira. Cun 51:1 vuschs han ils delgedas refusà l'iniziativa. *Tino Schneider*, il deputà da la pcd e *Benno Niggli*, il vicepresidente da la pbd grischuna han preschentà lur argu-

ments per ubain cunter l'iniziativa da la pcd davart il chasti da maridar. Quella ha procurà per intginas discussiuns ed a la fin han ils delegads decidì cun 31:25 vuschs cunter l'iniziativa. Per dapli material da discussiun ha chaschunà l'iniziativa «Nagina speculaziun cun nutriment». *Hanna Bay*, la vicepresidente da la ps giuvna svizra ha persvas sco aderenta da quella e tuttina han ils preschents sustegnì la proposta da cusseglier naziunal *Duri Campell* da refusar l'iniziativa. Cun 43:7 vuschs è il resultat stà cler. Da sustegnair la sanaziun dal tunnel dal Gotard aveva la pbd gia decidì il settember 2015 e quai cun 71:7 vuschs.

Ferm occupà er tranter la sessiun

Sia emprima sessiun sco cusseglier naziunal saja stada fitg interessanta, ha ditg cusseglier naziunal *Duri Campell* a l'anr.

El saja stà fitg surstà da l'effizienz dal parlament, dentant er ferm surstà da la disciplina miserabla en la sala dal cussegl naziunal. Surstà saja el lura er co ch'ils parlamentarists vegnian tratgs da las medias e dals lobists che veglian adina savair co e cum avais vus votà e pertge pomai? *Duri Campell* lauda dentant la disciplina da las fracziuns ed el è da l'avis che quai saja il pli tgunsch cun esser l'emprima sessiun dal nov parlament. «Ils employads da l'administraziun federala han però gè gronda chapientscha per ils cussegliers naziunals novizs e stads a disposiziun per mintga dumonda», punctuescha *Duri Campell*. Er senza sessiun saja el adina ferm occupà, cun scriver columnas, termins cun medias, sesidas a Berna, sedutas da cumissiuns. El saja er surstà quants e-mails ch'el retschaiv' a da la populaziun.



Ina bilantscha positiva da sia emprima sessiun sco cusseglier naziunal ha fatg *Duri Campell*.



Per l'emprima giada sa preschentà public è *Marco Tscholl*, il candidat per il cussegl da la citad da Cuira e per il cussegl da vischnanca da Cuira.